

文德實錄

校訂

和書門類		四二四九六號
一〇册	架	函



內閣文庫		和書類
二七〇函	架	一〇册
四二四九六號		

內閣文庫		和書類
番號	和	42496
冊數	10	(1)
函號	270	104

國書三六號







用
作

太上天
皇
平出先
皇
平出

卿下裁
字當在
位行間

日本文德天皇實錄序

臣基經等竊惟自古人君王者莫不用天度而叙
 憲章立日官而平曆數故姬漢之千餘載善惡呈
 理於堂中齊梁之百所年昏明析微於眼下者也
 伏惟太上天皇孝治有日文思垂風夢想先皇之
 起居庶幾聖主之言動去貞觀十二年詔右大臣
 從三位行左近衛大將臣藤原朝臣基經中納言
 從三位行民部卿兼春官坊大夫臣南淵朝臣年

下右簡
字恐脫行

言追
作番

今出
本平

逾
作愈

名參議正四位下。左大辨臣大江朝臣音人外從
五位下行大外記善淵朝臣愛成正六位上行少
內記都宿祢言道散位正六位上嶋田朝臣良臣
等數人扱舊史氏始就撰修三四年來編錄踈略
適屬揖讓刀筆暫休今上陛下武子文孫重熙累
洽追尋前業逾勸勒修數月以降大納言正三位
臣平各參議從三位左衛門督臣音人天不憖遺
奄然下世至元慶二年更勅攝政右大臣臣基經

假命
已今作

下大
間脫
作

願
作損

已
作亡

盧
作盧

仰命參議刑部卿正四位下兼行勘解由長官近
江守臣菅原朝臣是善等與前修史者文章博士
從五位下兼行大內記越前權介都朝臣良香從
五位下大外記嶋田朝臣良臣等專精實錄潭思
必書良香愁斯文之晚成忘彼命之早殞注記隨
手已去忽焉臣等百倍筋力參合精誠銘肌不違
歎掌從吏起自嘉祥二年三月己亥訖于天安二
年八月乙卯都盧九年勅成十卷春秋繫事麟次

庶一
作度

不愆動靜由衷毛舉无失唯細微常語庶小庶機
今之所撰弃而略焉名曰日本文德天皇實錄取
諸雖百世可知也臣等生謝龍門種非虎乳殊恐
謬缺文於聖訓黍直筆於明時謹詣天闕奉進以
聞謹序

元慶二年十二月十二日

右大臣正二位臣藤原朝臣基經

一本有參議刑部卿正四位下兼行勘解由長官近江守菅原朝臣是善
此二行從五位下行大外記臣島田朝臣良臣

此序管贈大相國代獲經公為之御文章第七有之云奉家君教所製也見林云

日本文德天皇實錄卷第一 起嘉祥三年三月盡
六月

右大臣正二位臣藤原朝臣基經等奉勅撰

文德天皇諱道康 仁明天皇長子也母藤原氏

贈大政大臣正一位冬嗣之女也年十六承和九

年八月乙丑立為皇太子嘉祥三年三月己亥

仁明皇帝崩於清涼殿于時 皇太子下殿御宣

陽殿東庭倚廬左右大臣率諸卿及少納言左右

近衛少將等獻 天子神金宝劔符節鈴印等須

倚廬
作体廬

文錄卷二

史駕輦車移御東宮雅院陣列之儀一同行幸
但無警蹕○庚子定縁葬諸司中納言從三位源
朝臣弘權中納言橘朝臣峯繼參議從四位下伴
宿祢善男散位從四位上源朝臣生彈正大弼從
四位下清原真人長田左中辨清原真人岑成左
近衛少將從五位上良岑朝臣宗貞大藏大輔藤
原朝臣貞本大外記外從五位下朝原宿祢良道
等六位以下四人爲裝束司中納言從三位源朝

臣定大藏卿平朝臣高棟參議從四位上藤原朝
臣助散位從四位下正躬王右京大夫從四位上
源朝臣寬從四位下木工頭興世朝臣書主散位
從五位下文室朝臣笠科勘解由次官山代宿祢
氏益等六位已下四人爲山作司後追以中納言
從三位安倍朝臣安仁散位從五位下藤原朝臣
正岑山口朝臣春方等重補山作司前丹波守從
四位下滋野朝臣貞雄官内少輔從五位下橘朝

治造

臣伴雄等六位已下三人為養役夫司山城守從
 四位下茂世王右京亮從五位上橘朝臣枝主等
 六位一人為治路司中納言從三位源朝臣弘為
 前次第司長官治部少輔從五位下藤原朝臣松
 影為次官以六位已下各二人為判官主典參議
 宮内卿從四位上滋野朝臣貞主為後次第司長
 官從五位下橘朝臣永範為次官判官主典同前
 是日遣散位從五位上高階真人清上從五位下

緒數 命作 令作

藤原朝臣緒數等率諸衛監護左右兵庫命京畿
 七道舉哀成禮限以三日喪服之期以日易月式
 部省率百寮於紫宸殿前舉哀公卿及侍臣以下
 於東宮舉哀○辛丑東宮成服公卿百寮從之○
 癸卯葬仁明皇帝于深草山陵送終之禮皆從
 儉約是奉遺詔也○甲辰遣從四位下行民部大
 輔基兄王外從五位下豐階公安人等存問供御
 葬之諸大夫先是諸衛著甲以備非常今日脫却

下大間
一有行
字

真一
作負

各從常儀。○乙巳晏駕之後，初盈七日，仍遣使於
 近隣七箇寺，以修功德。右近衛少將兼土佐守從
 五位下小野朝臣千株及內豎十人爲紀伊寺使，
 正四位下大舍人頭兼越前權守高枝王侍從從
 五位上嶋江王刑部大輔正五位下藤原朝臣行
 道內舍人一人內豎十人爲室皇寺使，從四位上
 加賀守正行王中務大輔從五位上並山王散位
 從五位下藤原朝臣正岑駿河守丹墀真人真岑

治一
作刑

爲來定寺使，從四位下大學頭時宗王從五位下
 正親王善永王治部少輔藤原朝臣關雄爲拜志
 寺使，從三位大藏卿平朝臣高棟散位從四位下
 世宗王從五位下永直王內舍人一人內豎十人
 爲深草寺使，散位從四位下基棟王從五位下安
 原王大原真人宗吉橘朝臣三夏等內舍人一人
 內豎十人爲真木尾寺使，散位從四位下道野王
 從五位下高原王太判事藤原朝臣本雄加賀介

作檜

良岑朝臣清風内舍人一人内豎十人爲檜尾寺
 使是日嵯峨山陵暴風雷雨樹木倒仆遣中納言
 從二位安倍朝臣安仁就加察視公卿奏言施事
 天下猶稱令旨在於視聽有所疑請稟天旨改令
 代勅未之許焉 ○丙午左近衛少將從五位上
 良岑朝臣宗貞出家爲僧宗貞先皇之寵臣也
 先皇崩後哀慕無已自歸佛理以求報恩時人愍
 焉 ○夏四月己酉公卿上啓曰竊以万物不能自

造匠 廻遑 作

化資大造以陶鈞億兆不能自治賴元首之司牧
 一時曠位則九服所以廻遑一日無政則万機由
 其擁塞是以姬王纘統戴冕宅憂之初漢帝乘乾
 正位徂落之夕通行不滯爲万代之舟車觀望相
 依百主之戶牖者也 大行聖帝明齊日月道拓
 乾坤崇德叶於笙鏞體政存於俎豆七十二帝彼
 復何人三五六經本慙聲教遂攬乃昔以來礼典
 舊章察其利病之端參於方今之代遺制云 皇

度一
作度

或曰
顯當
顯當
作々

也即
間一
有既
字二

日一
作日
言一

太子可於_下柩前_二即_三 皇帝位_一依_中周漢故事伏惟
 殿下深仁植性純孝因心寢門問豎竭愛敬之
 誠馳道申虔盡温恭之礼臣子之道克宣天人之
 望允集亘肅奉_下 聖旨属兹時來居南面之尊高
 應北辰之太室而偏纏罔極之至哀不忍割情以
 就礼涉旬踰月以至今日臣等顯顯深所未達况
 乎 先帝已有遺勅孝善述父志何得拘匹夫之
 情孝缺万乘之典章謹案春秋例人君即位有四

初喪即位一也 即位二也踰年即位三也三年
 諒闇終即位四也 殿下已在初喪而忘制宜追
 既葬而示儀上承七廟之靈下定万民之望臣等
 自負舊恩於丘山思致新主於堯舜不任愷疑之
 至謹奉啓以勸進 令曰雖有遺詔既踰旬月况
 亦陵土未乾不忍即正不聽從五位下源朝臣愜
 從五位下橘朝臣信蔭等為侍從從五位下御春
 朝臣真濱為近江權介從五位下清原真人秋雄

為祖馬介左兵衛佐如故從五位下紀朝臣寘弟
 為因幡權介右兵衛佐如故從五位下橘朝臣常
 蔭為讚岐權介正五位下橘朝臣真直為阿波守
 從五位下坂上大宿祢貞守為左近衛少將從五
 位下小野朝臣千株為右近衛少將從五位下源
 朝臣興為左兵衛權佐從五位上藤原朝臣良仁
 為右兵衛權佐太宰帥三品葛井親王薨親王
 桓武天皇第十二子也母大納言贈正二位坂上

部天
間脫
鄉字

大宿祢田村麻呂之女從四位下春子也親王幼
 而機警年六歲勅賜帶劔弘仁十年賜爵四品
 拜兵部天長三年為上野大守承和七年為常陸
 太守八年進爵三品親王頗善射藝有外家大納
 言之遺風等 嵯峨天皇御豐樂院以觀射礼畢
 後勅諸親王及群臣各以次射親王時年十二
 天皇戲語親王曰弟雖少弱當執弓矢親王應詔
 而起再發再中時外祖父田村麻呂亦侍坐驚動

文鏡秘府

六

嘉躍不能自己即便起座抱親王而舞進曰臣嘗
 將數十方之衆征討東夷實賴天威所向無敵自
 料勇畧兵術多所不究今親王年在韶亂武伎如
 此愚臣非所能及 天皇大咲曰將兵褒揚外孫
 何甚過多親王耽愛聲樂殊翫絲管晚年好酒志
 在讌樂累日連夜淵醉忘疲嘉祥三年爲大宰帥
 薨時年五十一朝廷因循舊典遣監喪使等親王
 有子九餘人是日公卿會議定 先皇七七日御

頭五
 問脫
 從字
 藏一
 作茂

齋會司中納言從三位源朝臣弘參議宮内卿從
 四位上滋野朝臣負主參議右大辨從四位上藤
 原朝臣良相從四位下參議式部大輔伴宿祢善
 男散位從四位上源朝臣生從四位下木工頭興
 世朝臣書生右少辨從五位上橘朝臣海雄散位
 從五位下藤原朝臣菅雄等六位已下三人爲御
 齋會行事圖書頭五位下橘朝臣高成左衛門佐
 從五位下紀朝臣道藏等六位一人爲造佛司左

京大夫從四位上マサニキノホキミウタノカミ正行王雅樂頭從五位下藤原朝臣サカトシ負敏侍從從五位下橘朝臣ウツカゲ信蔭等六位已下四人為莊嚴堂司彈正大弼從四位下清原真人ヨサタ長田治部大輔從五位上坂上大宿祢ホサ正野散位從五位上丹墀真人門成等六位已下三人為供僧司クソウソウカサド○庚戌公卿重上啓曰臣等先已上啓具陳勸進之誠而殿下至孝為性不忍割情久曠ナリヒト万機經引數月雖云礼制亦有權時請擇吉辰早

一有上
修等
作出
公

正其位以順兆人之望以因万國之基テ固今日卿等上啓シク謙諭中誠事緣遺詔義歸權奪今不獲已俯依來啓ツカシム○辛亥為除凶服先遣大中臣氏人於五畿内七道諸國以修大祓テスレヌライ○壬子遣使於七箇寺ツカシム一七日御齋會每寺公卿大夫并内舍人内豎等一兩人ツカシム○癸丑地震ツカシム帝出除百官吉服太祓於朱雀門前有魚肅鳥飛鳴於東宮樹間何以書之ツカシム記異也ツカシム○乙卯大雷雨諸衛警陣賜陣頭侍從及

衛士以上祿各有差○戊午 帝自雅院移御中
 殿勅賜中納言朝臣定帶劔 先皇賜之今依舊
 賜之○己未遣使於七箇佛寺修三七日御齋會
 如前日儀○辛酉遣左近衛將曹栗田真持於深
 草陵列栽樹木間以一丈相襲成行○壬戌地震
 飛驒國講師傳灯滿位僧德嚴上奏諸國國分二
 安居修行爲國誓念而此國舊來不修此法論之
 佛理可謂闕如請准諸國每年薰修許之○癸亥

遣權中納言橘朝臣岑繼告深草山陵以即位之
 由其策文曰掛畏 支 天皇朝廷 余恐見申
 賜欠遺 倍留詔 乃隨 余 天日嗣 尔 仕奉 支 狀 乎 公
 卿等屢勸請 而日月 毛 近 欠 心神 毛 哀迷 尔 依
 不堪 流 狀再 比 三 比 懼 利 辞 毛 御命 旨 止 言
 固勸強 禮 已志 尔 波 從 已 不得故是以大御坐處 乎
 拂絮侍 豆 天之日嗣 乎 戴荷 知 守供奉 姓 事 乎 恐
 見 毛 見 申 賜 止 奏 又 申 欠 掛畏 支 天皇朝廷 乃

矜賜 厚慈蒙戴 天之曰嗣 乃政者乎久天地

日月止共 尔守仕奉 倍之 思食事 尔恐見 恐見 申

賜久矣 甲子 帝即位於大極殿其日晨且快

雨百官以雨日儀從事至日中時天晴策命日明

神止大八洲國所知 天皇詔旨 宣勅親王

諸王諸臣百官人等天下公民眾聞食 止 宣掛畏

平安官 尔御宇 之 倭根子天皇我皇此天日

嗣高座之業 乎 掛畏近江大津 乃官 尔御宇 之

天皇 乃初賜 比定賜 倍法隨 尔仕奉 止仰賜 比大

命 尔受賜 利恐 羨受賜 利懼 爾進 母不知 尔退 母

不知 尔恐 羨坐 止久 宣天皇勅象聞食 止 宣烈

皇 止坐 天下治賜君 波賢人 乃良佐 乎得之天

下波平安 久治物 尔在 止 祭聞行 須故是以

大命坐宣 久朕雖拙劣親王等初 天 王等臣等 乃

相共 尔奉 利相扶奉 事依 天 此 乃仰賜 比授賜

倍 食國 乃天下之政 波平安 久仕奉 倍之 止 耶

以正間
一有以
心入字
作

念行是以正直之人

天皇朝廷

眾助仕奉

宣 天皇勅眾聞食止

宣辭別宣

凡人子

蒙福 欲為

事波於夜

多米

奈母聞行

故是以朕親母藤原氏

皇大夫

上奉利治

奉 又仕奉人等中

其仕奉狀隨

冠位上賜

治賜 又大神官

始

諸社

祢宜祝等

給位一階又僧綱

始

諸寺智行有聞

并天

下僧尼

年八十以上

施物

又左右京五

畿内

乃 蠲寡孤獨不能自存者及天下給待人

等

給御物

力由之輩

起眾者

賜爵一階

又諸國言上承和九年以往租稅未納者

先帝

御坐

之時

免給

勅

今

天皇

御意

去年以往未納

復盡免給

勅

天皇御

命 眾聞食

止

宣授從二位源朝臣常正二位正

三位源朝臣信從二位從三位源朝臣定安倍朝

臣安仁等正二位從四位上滋野朝臣貞主藤原

朝臣助藤原朝臣長良小野朝臣箕藤原朝臣良

相等正四位下從四位下伴宿祢善男從四位上

无位雄風王利基王等從四位下從四位上坂止

大宿祢淨野正四位下從四位下清原真人龍雄

從四位上正五位上伴宿祢成益正五位下春澄

宿祢善繩等從四位下從五位上藤原朝臣良仁

正五位上從五位上藤原朝臣高房從五位下菅

原朝臣是善等正五位下從五位下鎌倉王藤原

真一作朝臣

朝臣春因文室真人助雄良岑朝臣長松藤原朝

臣開主橋朝臣清蔭佐伯宿祢屋代外從五位下

曹階公安人等從五位上外從五位下都宿祢貞

繼二統宿祢真淨正六位上在原朝臣善淵大原

真人真室小野朝臣貞樹橋朝臣休蔭齋部宿祢

伴主安倍朝臣有道從六位上藤原朝臣諸藤等

從五位下正六位上廣宗宿祢平麻呂榎井朝臣

祢嶋長家原宿祢氏主等外從五位下○乙丑遣

嶋上祢
字一為
初指祢
二字一
在連

深陵
間一
有卓
字

下
作上

使解諸關警是日宣詔内外云易月之制雖執舊
章臣子之道須存心喪宜仰有司暮年之内禁宴
飲作樂及著夷服先是深陵宰堵婆所藏陀羅尼
自發落地遣參議伴宿祿善男就加安置○丙寅
遣使於七箇佛寺修四七日御齋會如前日儀固
近江國開使從四位下右中辨藤原朝臣氏宗歸
奏奉弊○戊辰固伊勢國關使右衛門權佐從五
位下藤原朝臣春岡固美濃國關使散位從五位

下藤原朝臣菅雄等歸奏奉弊○巳巳六衛解嚴
皇太夫人移御東五條院警蹕成儀一擬乘輿詔
遣左右道衛將監番長各一人近衛各九人左右
兵衛尉志番長各一人兵衛各十九人分陣院下
以備宿衛詔佐渡國放還配流罪人金判福貴滿
○庚午前春官職印一枚獻于内裏○辛未太政
官重宣今月十七日詔旨頒下京畿諸國云今
案詔旨去年已往言上租稅未納悉可免除且

命官長分明搜檢見在民身即從免除又雖別錄
申官時司文簿載未納之由者亦同言上之例若
後日遣使巡檢國郡司并煩事人等徵取訖隱為
未進及稱不言上之色欺責頑民者必處重科並
榜末路頭普令知見但地子未納不在免限自餘
事修准天長十年例○壬申正五位上藤原朝臣
良仁為中官亮右兵衛權佐如故○癸酉遣使於
七箇佛寺修五七日御齋會亦如前白儀宣詔山

野之禁本為鶉雉至於草木非有所制如聞野由
不執事意矯峻法禁奪人斧斤捕人牛馬絕其往
還之跡如其樵蕪之業為人之患莫此之甚宜早
下知莫令更然又聞豪貴之家非有官符妄占山
野多妨民利如斯之類並早禁斷其江河池沼之
類同亦准此莫致入愁榜示路頭普令知見○甲
戌從五位下三統宿祢真淨為中官大進○丙子
授正六位下橘朝臣茂房從五位下正六位上佐

拔一作下
作上一

佐賣山公仲繼外從五位下詔以上野國聖隆寺
為延曆寺別院是月天寒○五月己卯大風拔木
拔草記異也遣侍從從五位下嶋江王左少辨從
五位下文室朝臣助雄中務少丞正六位上百濟
王志岑内舍人正六位上八多朝臣湊從八位上
清瀧朝臣岑成等向伊勢太神宮迎齋内親王太
後於建礼門前○庚辰修六七日御齋會從五位
上坂上大宿祢正野左京亮從五位下飯高朝臣

田麻間有字

位五間有字

永雄等為東大寺使散位從五位下百濟王教福
源朝臣穎等為元興寺使刑部少輔從五位下藤
原朝臣關雄散位源朝臣同等為興福寺使散位
從五位下丹墀真人繩主文室朝臣墾田麻呂等
為大安寺使前越後守從五位下丹墀真人氏永
散位大宅朝臣年雄等為西大寺使散位五位下
高階真人信澄在源朝臣善淵等為法隆寺使散
位從五位上百濟王慶世從五位下橘朝臣三夏

字月有間茲
二三三

等為藥師寺使○辛巳嵯峨太皇太后崩○壬午
葬大皇太后于深谷山遺令薄葬不營山陵先是
民間訛言云今茲二日不可造齋以無母子也識
者聞而惡之至于三月官車暴駕是月亦有大后
山陵之事其無母子遂如訛言此間田野有草俗
名母子草二月始生莖葉白脆每屬二月三日婦
女採之蒸搗以為餅傳為歲事今年此草非不繁
生民之訛言天假其口太皇太后姓橘氏諱嘉智

字有間身
字長

子父清友少而沉厚涉獵書記身六尺二寸眉目
如畫舉止甚都宝龜八年高麗國遣使修聘清友
年在弱冠以良家子姿儀魁偉接對遣客高麗大
使獻可大夫史都蒙見之而器之問通事舍人山
於野上云彼一少年為何人乎野上對是京洛一
白面耳都蒙明於相法語野上云此人毛骨非常
子孫大貴野上云請問命之長短都蒙云三十二
有厄過此無恙其後清友娶田口氏女生后延曆

五年爲内舎人八年病終於家時年卅一驗之果
如都蒙之言后爲人寬和風容絕異手過於膝髮
委於地觀者皆驚嗟峨太上天皇初爲親王納后
寵遇日隆天皇登祚弘仁之始拜爲夫人先是數
日后夢出自針孔立左市中六年秋七月七日后
亦夢著佛瓔珞居五六月立爲皇后十四年天
皇禪位於淳和皇帝尊天皇爲太上天皇皇后
爲皇太后仁明天皇受禪尊皇太后爲太皇太后

自明
風作

追贈后父太政大臣正一位母正一位后自明泡
幻篤信佛理建一仁祠名檀林寺遣比丘尼持律
者入住寺家仁明天皇助其功德施捨五百戶封
以充供養后亦與弟右大臣氏公朝臣議開學舍
名學官院勸諸子弟誦習經書朝夕閣閣時人以
比漢鄧皇后初法華寺有苦行尼名曰禪雲見后
未并就把其臂云君後當爲天子及皇后之母后
竊記之遂生仁明天皇及淳和太皇太后后追想

館作
關作
齊々

尼言訪其所在尼時既亡及仁明天皇不豫甚篤
后哀衰戚毀容遂剃髮為尼求冥救也天皇崩後相
尋而后亦崩時年六十五后正位之後專務化導
宮闈之內陰教豈穆朝野稱之嗟峨天皇特加敬
重意愛甚密故老相傳伊豫國神野郡昔有高僧
名灼然稱為聖人有弟子名上仙住止山頂精進
練行過於灼然諸鬼神等皆隨願指上仙嘗從容
語所親檀越云我本在人間有同天子之尊多受

遺一
作遺

快樂尔時作是一念我當來生得作天子我今出
家常治禪病雖遺餘習氣分猶殘我如為天子
必以郡名為名字其年上仙命終先是郡下攝里
有孤獨姥号攝姬傾盡家產供養上仙上仙化去
之後姬得審問泣涕橫流云吾與和尚久為檀越
願在來生俱會一處得相親近俄而姬亦命終其
後未幾天皇誕生有乳母姓神野先朝之制每
皇子生以乳母姓為之名焉故以神野為一天皇

使

諱後以郡名同天皇諱改名新居后時夫人号橘夫人所謂 天皇之前身上仙是也橘姬之後身夫人是也后嘗多造宝幡及繡文袈裟窮盡妙巧左右不知其意後遣沙門慧萼没海入唐以繡文袈裟奉施定聖者僧伽和上康僧等以宝幡及鏡奩之具施入五臺山寺○丙戌莊嚴清凉殿安置金光明經地藏經各一部及新造地藏菩薩像一軀屈請百僧修先皇七七曰御齋會解坐之後使

於大極殿限三箇日轉讀大般若經以祈甘雨也應時雨降是日有制為諸名神令度七十人各為名神發願誓念其得度者皆以神字被於名首○丁亥終日陰雲入夜雨降○戊子加雨水潦奔溢時人以為諸僧苦請之誠感動龍王也○庚寅請僧五十口分配東宮中宮限三箇日轉讀大般若經○壬辰追贈流入橘朝臣逸勢正五位下詔下遠江國歸葬本鄉逸勢者右中辨從四位下入居

之子也為性放誕不拘細節尤妙於書官門榜題
手迹見在延曆之季隨聘唐使入唐唐中丈人呼
為橘秀才歸來之日歷事數官以年老羸病靜居
不仕承和九年連深伴健岑謀反事掠拷不服減
配流伊豆國初逆勢之赴配所也有一女悲泣
步從官兵監送者叱之令去女晝止夜行遂得相
從逆勢行到遠江國板築驛終于逆旅女攀房盡
哀使葬馭下廬于喪前守屍不去乃落髮為尼自

名妙冲為父誓念曉夜苦至行旅過者為之流涕
及詔歸葬女尼負屍還京時人異之稱為孝女○
甲午四品時康親王為中務卿二品仲野親王為
式部卿三品賀陽親王為彈正尹四品人康親王
為上総太守四品本康親王為上野太守一品葛
原親王為大宰帥正六位上藤原朝臣興世石川
朝臣豐河布勢朝臣真吉伴宿祢須賀雄並授從
五位下從五位下中臣朝臣逸志為神祇大副從

真一
作貴

日臣
間一
字朝

負真
一作
上宿
間一
有字
大

上
一作
五

大
一作
中

五位下藤原朝臣諸藤為侍從從五位下春日臣
雄繼為大學博士從五位上高階真人清上為彈
正少弼從五位上丹墀真人門成為大和守從五
位下丹墀真人貞岑為駿河守正四位下坂上宿
祢淨野為相模守右兵衛督如故從四位下伴宿
祢成益為丹波權守從五位上橘朝臣貞根為安
藝守從四位上源朝臣冷為讚岐守從四位下清
原真人長田為太宰太貳從四位下藤原朝臣氏

宗為右近衛中將右大辨如故○丙申從五位下
藤原朝臣菅雄為民部少輔詔以武藏國奈良神
列為官社先是彼國奏請檢古記慶雲二年此神
放光如火熾然其後陸奧夷虜反亂國發控絃赴
救陸奧軍士載此神靈奉以擊之所向無前老弱
在行免於死傷和銅四年神社之中忽有湧泉自
然奔出溉田六百餘町民有疫癘禱而癒人命所
繫不可不崇從之○戊戌石見國言甘露降○癸

卯雨雹大如鴨卵。六月戊申能登國氣多大神授從二位。○巳酉雷震西寺刹柱剥取其竿中央一許去落於右馬頭藤朝臣春津宅詔以武藏國廣瀨神常陸國鴨大神御子神主玉神並列於官社安房國國造正八位上伴直千福麻呂授外從五位下。○庚戌伊豆國阿米都和氣命伊太豆和氣命阿豆佐和氣命佐岐多麻比咩命伊賀國佐佐神津神等並授從五位下。壹岐寫角上神列。

於官社。○丁巳美作國獻靈龜雪白可愛。○乙丑從五位下藤原朝臣關雄為諸陵頭從四位下藤原朝臣諸成為右京大夫從五位上藤原朝臣大津為備前守外從五位下山田宿祢文雄為備前介。丙寅有流星頭尾轉行。○丁卯遣散位從五位下利見王神祇少副正六位上中臣朝臣稗守等參伊勢太神宮告以即位之由百官齋戒廢務三日。○甲戌出羽國奏言境接夷落動為風塵至。

後備

有嫌疑必資^上白臉請省史生^一負置^ラ陰陽師^一負^ラ
許^ス之



日本文德天皇實錄卷第一

